

րական սեռէ պարտի համարիլ հիմնադիր խնամատար Հոգաբարձու նմին ուսումնարանի՝ վասն մերձաւորապէս հասու լինելոյ ներքին և արտաքին կառավարութեան ուսումնարանին՝ որոյ և պարտք են ամենայն ջանիւք պահպանել զայն ի բարեկարգ վիճակի և ուղղել միշտ առ ցանկալի նպատակ՝ համաձայնութեամբ ընդ անդամոց Հոգաբարձութեան :

„ Գ. Տասն հազար բուբլի գումարն՝ նուիրեալն յեղբարց Բուզաղեանց՝ համարեսցի և ընդ միշտ մնասցէ անձեռնմխելի , գոր փոխարկմամբ յարբունի տոկոսաբեր արժէտոմս՝ սչահպանեսցի ի գանձարանի յանուն սրբոյն Գրիգորի Լուսաւորչին հաստատեալ Մարզասիրական Ընկերութեան Բագուայ , իսկ անդորրազիրն այնց տոմսից միայն յանձնեսցի ի պահպանութիւն Հոգաբարձութեանն : — Բուզաղեան Վանական Ուսումնարանին » :

„ Գ. «Բուզաղեան Վանական Ուսումնարանն» վանից սրբոյն Ստեփաննոսի , որ ի Սաղիան՝ ենթարկի ընդ իրաւասութեամբ ՎԵՀԱՓԱՌ ՀԱՅՐԱՊԵՏԻՆ Ազգիս և կառավարի ըստ ուսումնական և վարչական մասանց համաձայն կանոնադրութեան և ծրագրոյ Եկեղեցական ծխական ուսումնարանաց Հայոց՝ հաստատելոց ի Նորին սրբութենէ Տ. Տ. Մակար Կաթուղիկոսէ ամենայն Հայոց յամին 1886 :

„ Ե. Տէր մի արասցէ , եթէ որ և իցէ դիպուածով զպարեսցի իսպառ դոյութիւն ուսումնարանին՝ մինչեւ անհնարին լինել այլ եւս շարունակել , յայնդէպս ոչ որ ի սերնդոց Բուզաղեանց ունիցի իրաւունս յետս ստանալ զայն զրամազլուխ , այլ պարտի թեմակալ Առաջնորդն Չամախուոյ խորհրդակցութեամբ ընդ անդամոց Մարզասիրական Ընկերութեան և ընդ իրաւատէր տոհմականի Բուզաղեանց՝ ի գործ դնել ի վերայ պահպանութեան այլում եկեղեցական ծխական ուսումնարանի վիճակին ի յիշատակ հօր և եղբօր Բուզաղեանց եղբարց՝ հանգուցեալ Թաղէոս Աւագ քահանայի , բարեհաճ կարգադրութեամբ Ծայրագոյն Պատրիարք Կաթուղիկոսի ամենայն Հայոց :

„ Զ. Վարչութիւն վանական ուսումնարանին Սաղիանի բաղկացի ի հինգ անդամոց , որք լիցին առաջին ի Բուզաղեան